

# BEŁŻEC

1910  
1911  
1912  
1913  
1914  
1915  
1916  
1917  
1918  
1919  
1920  
1921  
1922  
1923  
1924  
1925  
1926  
1927  
1928  
1929  
1930  
1931  
1932  
1933  
1934  
1935  
1936  
1937  
1938  
1939  
1940  
1941  
1942  
1943  
1944  
1945  
1946  
1947  
1948  
1949  
1950  
1951



Le anglune deportacije kata l' Řom taj Sinti ande Poljska ankêrdile ando aprilo 1940; 2,500 njamcoskê Řom taj Sinti angêrdile ande l' logorja ande poljskakê cîne forur Bełżec, Krychów taj Siedlce. Le manuš kata la bućako logoro Bełżec sas te kêren konstrukcijakê buća pe granica kataj Sovjetoskî Unija. Kako bućako logoro phandadilo ando bêš 1940. But Sinti žangle te našên taj zumade te preživin ande l' vêša, numa kote astarde len pale le njamcongi policija taj le kêtani. Le maj bute deportirime njamcickone Řomen taj Sinton mundarde len vuni bêš palal ande Poljska. Ande l' bêš 1942 taj 1943 ankêrdja e SS ando foro Bełżec jeg baro mundarimasko logoro, savo sas kotor kataj „Aktion Reinhardt“.

## Žanglen tumen

...kê e SS ankêrelas ando ramo kata e „Aktion Reinhardt“ bare mundarimaskê logorja ande l' forur Bełżec, Sobibór taj Treblinka, ande lende mundarde 2,4 milionur jevrejon taj 50.000 Řomen taj Sinton maškar le bêš 1942 taj 1943?

...kê le njamcongi administracija akharêlas le manušêngê deportacije ande l' KZ-ura taj ande l' mundarimaskê logorja „munčimos“?

## Tumari bući

So gîndin tumen, sostar hazninas le naci le svatur „munčimos“ taj „Endlösung“? Save aver eksemplur peren tume godjate?

## Paj fotografija

Deportirime Řom ando logoro Bełżec ando bêš 1940. Kote musaj sas te vazden milaje le logoroskê barakê.

Deutsches Bundesarchiv  
Koblenz/Deutschland.